

Na osnovu člana 68. stav 1 i 2. Zakona o vodama Federacije BiH ("Službene novine Federacije BiH", broj: 70/06), člana 33. stav 2 i 3. Zakona o vodama Tuzlanskog Kantona ("Službene novine Tuzlanskog kantona", broj: 11/08), Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj: 88/12), člana 12. i člana 22. Zakona o prekršajima ("Službene novine Federacije BiH", broj: 63/14), člana 24. Statuta općine Čelić ("Službeni glasnik općine Čelić", broj: 3/17), a u skladu sa usvojenim Elaboratom zaštite izvorišta na području općine Čelić Općinsko vijeće Čelić na 18. redovnoj sjednici, održanoj 19.09.2018. godine, donosi

ODLUKU O ZONAMA SANITARNE ZAŠTITE I ZAŠTITNIM MJERAMA ZA IZVORIŠTA "TUKOVI-SIBOVAČA-STADION"

I. OPĆE ODREDBE

Član 1.

(Predmet Odluke)

(1) Ovom Odlukom utvrđuju se granice zone sanitarne zaštite, zaštitne mjere, izvori i način finansiranja zaštitnih mjera za izvorište "Tukovi-Sibovača-Stadion" i kaznene odredbe za povredu odredaba ove Odluke.

(2) Ova odluka donosi se u cilju zaštite pitkih podzemnih voda koje se koriste za potrebe vodosnabdijevanja od svih vidova zagađenja i štetnih uticaja koji mogu nepovoljno djelovati na zdravstvenu ispravnost vode za piće ili na izdašnost izvorišta.

Član 2.

(Razlozi zadonošenje Odluke)

(4) Odredbe Odluke o zonama sanitarne zaštite i zaštitnim mjerama za izvorište "Tukovi-Sibovača-Stadion" (u daljem tekstu: Odluka) odnose se na zaštitu izvorišta "Tukovi-Sibovača-Stadion" iz kojeg se vrši eksploatacija vode za potrebe vodosnabdijevanja.

II. ZAŠTITNO PODRUČJE

Član 3.

(Uspostavljanje zone zaštite)

(1) Zone sanitarne zaštite izvorišta "Tukovi-Sibovača-Stadion" utvrđene su u skladu sa članom članom 6. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj: 88/12), (u daljem tekstu „Pravilnik“), a koja se odnose na izvorišta podzemnih voda u akviferima intergranularne poroznosti.

(2) Prema stupnju opasnosti od zagađenja i drugih štetnih uticaja koji mogu nepovoljno djelovati na zdravstvenu ispravnost vode ili na izdašnost izvorišta "Tukovi-Sibovača-Stadion", uspostavljaju se tri zaštitne zone:

- Prva zaštitna zona - zona sa najstrožijim zabranama o ograničenjima;
- Druga zaštitna zona - zona sa strogim zabranama o ograničenjima;
- Treća zaštitna zona - zona sa umjerenim zabranama o ograničenjima;

(3) Zaštitne zone izvorišta "Tukovi-Sibovača-Stadion" prikazane su na karti mjerila 1:25.000, a prve zaštitne zone izvorišta na situacionom planu mjerila 1: 2.500 (prilog).

(4) U zoni iz prethodnog stava ovog člana primjenjuju se sanitarno - tehničke mjere i druga djelatnost na način utvrđen ovom Odlukom.

III. OBUHVAT I GRANICE ZAŠTITNIH ZONA IZVORIŠTA

Prva zaštitna zona

Član 4.

(Granice prve zaštitne zone)

(1) Prva zaštitna zona obuhvata prostor u neposrednoj zoni izvorišta "Tukovi-Sibovača-Stadion".

(2) Vanjske konture prve zaštitne zone su na udaljenosti većoj od 10 metara od vodozahvatnog objekta (član 6. tačka 2 Pravilnika).

(3) Pripadajući bunari navedenih izvorišta nalaze se na sljedećim parcelama: Tukovi - Tukovi 1 (X - 4953853 i Y - 6565997) se nalaze na parceli broj: k.č. 166 K.O. Mirosavci, Tukovi 2 (X - 4953771 i Y - 6565989) se nalaze na parceli broj: k.č. 157 K.O. Mirosavci, Tukovi 3 (X - 4953672 i Y - 6565964) se nalaze na parceli broj: k.č. 152 K.O. Mirosavci, Šibovača (X - 4953152 i Y - 6565933) - broj: k.č. 935 K.O. Čelić sa površinom od 6.583 m² i Stadion (X - 4953672 i Y - 6565964) - broj: k.č. 1.190/5 K.O. Čelić sa površinom od 100 m².

(4) Prva zaštitna zona izvorišta je propisno ograđena i zaštićena od neovlaštenog pristupa.

(5) Površine prvih zaštitnih zona za navedena izvorišta pitke vode su: Tukovi 1 - 1.110 m², Tukovi 2 - 1.085 m², Tukovi 3 - 630 m², Šibovača - 1.490 m² i Stadion - 100 m².

(6) Unutar Prve zaštitne zone izvorišta su situirani vodozahvatni objekti, sabirna komora, pumpna stanica i drugi objekti vodosnabdijevanja.

(7) Prva zaštitna zona izvorišta "Tukovi-Sibovača-Stadion" predstavlja zonu sa najstrožijim zabranama i ograničenjima.

Druga zaštitna zona

Član 5.

(Granice druge zaštitne zone)

(1) Vanjska granica granice druge zaštitne zone je u pravcu juga (pretpostavljeni generalni smjer toka podzemnih voda) udaljena oko 250 m od vodozahvatnih objekata što bi, uz monitoring i provođenje mjera zaštite, trebalo da sa dovoljnim faktorom sigurnosti zadovolji zahtjev po pitanju dužine puta tečenja podzemne vode i odvijanja purifikacijskih procesa, te je u potpunosti u skladu sa članom 6. stav 6. Pravilnika kojim je propisano da vanjska granica II. zaštitne zone bude na udaljenosti od koje je podzemnoj vodi potrebno najmanje deset (10) dana tečenja do vodozahvata, a imajući u vidu usvojenu brzinu tečenja podzemnih voda $v = 25$ m/dan.

(2) Vanjska granica granice druge zaštitne zone se na jug pruža od izvorišta "Tukovi-Sibovača-Stadion" dolinom rijeke Gnjice u dužini od oko 2.000 m i širini oko 200 m.

(3) Druga zaštitna zona izvorišta "Tukovi-Sibovača-Stadion" ima površinu oko 400.000 m².

(4) Unutar druge zaštitne zone izvorišta "Tukovi-Sibovača-Stadion" situirani su potencijalni zagađivači izvorišta. Od potencijalnih zagađivača može se izdvojiti poljoprivredne obradive površine (malinjaci), industrijske površine, stambeni objekti grada Čelića, jer se izvorišta nalaze u blizini gradskog jezgra.

(5) Druga zaštitna zona izvorišta "Tukovi-Sibovača-Stadion" predstavlja zonu sa strogim zabranama i ograničenjima.

Treća zaštitna zona

Član 6.

(Granice treće zaštitne zone)

(1) Treća zaštitna zona izvorišta "Tukovi-Sibovača-Stadion" obuhvata prostor od vanjske granice druge zaštitne zone do ušća Čehajičkog potoka u rijeku Gnjicu, odnosno granice sa entitetom Republika Srpska.

(2) Vanjska granica granice treće zaštitne zone je u pravcu juga (pretpostavljeni generalni smjer toka podzemnih voda) udaljena oko 1.500 m od vodozahvatnih objekata što bi, uz monitoring i provođenje mjera zaštite, trebalo da sa dovoljnim faktorom sigurnosti zadovolji zahtjev po pitanju dužine puta tečenja podzemne vode i odvijanja purifikacijskih procesa, te je u potpunosti u skladu sa članom 6. stav 8. Pravilnika kojim je propisano da vanjska granica III. zaštitne zone bude na udaljenosti od koje je podzemnoj vodi potrebno najmanje pedeset (50) dana tečenja do vodozahvata, a imajući u vidu usvojenu brzinu tečenja podzemnih voda $v = 25$ m/dan.

(3) Vanjska granica granice treće zaštitne zone se na jugu pruža od vanjske granice druge zaštitne zone do ušća Čehajičkog potoka u rijeku Gnjicu, odnosno granice sa entitetom Republika Srpska. u dužini od oko 500 m i širini oko 200 m.

(4) Treća zaštitna zona izvorišta "Tukovi-Sibovača-Stadion" ima površinu oko 100.000 m².

(5) Unutar treće zaštitne zone izvorišta "Tukovi-Sibovača-Stadion" ima potencijalnih zagađivača izvorišta, te se mogu se izdvojiti nekoliko stambenih objekata koji su izgrađeni u blizini rijeke Gnjice, odnosno regionalnog puta Lopare - Čelić.

(6) Treća zaštitna zona izvorišta "Tukovi-Sibovača-Stadion" predstavlja zonu sa umjerenim zabranama i ograničenjima.

IV. ZAŠTITNE MJERE

9. Zaštitne mjere za područje obuhvaćeno prvom zaštitnom zonom

Član 7.

(Objekti koji se mogu graditi)

(1) Na području prve zaštitne zone mogu se, uz primjenu potrebnih mjera zaštite, nalaziti kaptažne građevine, rezervoari, pumpne stanice, prilazni i unutrašnji putevi i drugi objekti koji su neophodni za rad sistema vodosnabdjevanja.

Član 8.

(Zaštita, pristup i obilježavanje)

(1) Područje prve zaštitne zone izvorišta mora biti zaštićeno od neovlaštenog pristupa čvrstom i sigurnom ogradom visine ne manje od 2 metra, kao i drugim mjerama fizičke zaštite i osiguranja.

(2) Pristup području prve zaštitne zone dozvoljen je samo zaposlenicima koje odredi Operator vodovodnog sistema i nadležnim inspeksijskim organima za vrijeme vršenja kontrole, kao i drugim licima uz posebnu dozvolu i evidenciju korisnika vodozahvatnih objekata. Operator vodovodnog

(3) i sistema mora na odgovarajući način obilježiti prvu zaštitnu zonu, što naročito uključuje naziv izvorišta i zaštitne zone, puni naziv Operatora, broj dežurnog telefona za hitne slučajeve i upozorenje o zabrani neovlaštenog pristupa sa prikazom karte zaštićenog područja.

Član 9.

(Provođenje mjera zaštite)

(1) Operator vodovodnog sistema dužan je održavati postavljenu ogradu u ispravnom stanju i provoditi obezbjeđenje prve zaštitne zone i objekata u njoj.

(2) Na području prve zaštitne zone, zabranjuju se sve aktivnosti koje nisu u direktnoj vezi sa normalnim radom i održavanjem izvorišta. Aktivnosti koje se sprovode u cilju normalnog rada i održavanja vodozahvata, bunara i pijezometara ne smiju štetno djelovati na izvorište.

(3) U granicama I zaštitne zone se u skladu sa članom 10 stav 3 Pravilnika **zabranjuju** slijedeće aktivnosti:

- Izgradnja novih urbanih naselja
- Proširenje postojećih urbanih naselja
- Individualna stambena izgradnja uz korištenje samostalnih sistema za tretman otpadnih voda (npr. septičke jame)
- Održavanje postojećih građevinskih objekata bez promjene namjene
- Izvođenje ili obavljanje bilo kakvih aktivnosti koje izazivaju i/ili pospješuju eroziju tla
- Iskopi u vodonosnom sloju
- Vađenje materijala iz vodotoka
- Izgradnja i rad kamenoloma i drugih pozajmišta materijala
- Minerski i drugi građevinski radovi koji nisu u funkciji vodosnabdjevanja, a koji mogu poremetiti kompoziciju vodonosnih slojeva
- Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu
- izgradnja i rad transformatorske stanice
- izgradnja i rad manevarskih i vojnih poligona
- Izgradnja novih, korištenje ili proširenje postojećih groblja
- Ispuštanje nepročišćenih urbanih otpadnih voda
- Izgradnja i rad postrojenja za tretman urbanih otpadnih voda
- Odlaganje bilo kakvog čvrstog, građevinskog, komunalnog i drugog otpada

- Izgradnja i rad sanitarnih deponija
- Izgradnja i rad postrojenja za tretman mulja u sastavu postrojenja za tretman otpadnih voda
- Izgradnja i rad postrojenja za tretman životinjskog otpada
- Podzemna eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine
- Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine
- Izvođenje istražnih i eksploatacionih bušotina za naftu i zemni gas
- Izvođenje istražnih radova i eksploatacija radioaktivnih tvari
- Pogoni metalne industrije
- Rafinerije
- Pogoni hemijske industrije
- Pogoni gumarske industrije
- Pogoni industrije papira i celuloze
- Pogoni kožarske industrije
- Pogoni prehrambene industrije
- Gasne elektrane
- Termo elektrane
- Nuklearne elektrane
- Skladištenje industrijskih sirovina i hemikalija opasnih za vodu
- Skladištenje i deponovanje radioaktivnih tvari i otpada
- Skladištenje i deponovanje šljake i pepela
- Deponije industrijskog otpada opasnog za kvalitete vode na izvorištu
- Deponije industrijskog otpada bezopasnog za kvalitet vode na izvorištu
- Izgradnja i rad industrijskih kanalizacionih sistema
- Izgradnja i rad postrojenja za tretman industrijskih otpadnih voda
- Ispuštanje ili akumuliranje neprečišćenih industrijskih otpadnih i rashladnih voda
- Izgradnja autocesta i cesta rezervisanih za motorni saobraćaj
- Izgradnja urbanih prometnica i pripadajućih objekata (parkirališta, mostova, tunela....)
- izgradnja depoa za teška vozila
- Izgradnja i rad autobusnih stanica i terminala
- Izgradnja željezničkih pruga, ranžiranih stanica i terminala
- Izgradnja i rad aerodroma ili poletno-sletnih staza za korištenje u zračnom saobraćaju
- Izgradnja i rad cjevovoda za transport tekućina opasnih za kvalitet vode
- Cestovni transport hemikalija, tečnih goriva i drugih opasnih materija
- Nadzemni ili podzemni spremnici
- Pretakališta
- Benzinske stanice uz prometnicu
- Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava
- Intenzivna stočarska i peradarska proizvodnja
- Stočarska i peradarska proizvodnja za vlastite potrebe pojedinačnih domaćinstava
- Deponovanje čvrstog ili tečnog stajnjaka za pojedinačna domaćinstva
- Intenzivna ispaša stoke
- Napajanje stoke iz površinskih vodotoka
- Skladištenje đubriva i pesticida
- Poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i insekticida
- Navodnjavanje prečišćenim otpadnim vodama
- Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida
- Nekonrolisana sječa i krčenje šume
- Izgradnja i rad sportsko-rekreacionih i banjsko-lječilišnih objekata
- Kampovanje ili drugi vid organizovanog okupljanja u prirodi

- Izgradnja i rad otvorenih sportskih terena
- Izgradnja i rad igrališta za golf
- Izgradnja i rad skijališta
- Turističke aktivnosti (splavarenje, rafting...)
- Rekreativni i sportski ribolov
- Korištenje lovnih sredstava sa motorima sa unutrašnjim sagorjevanjem

(4) U granicama I zaštitne zone se u skladu sa članom 10 stav 3 Pravilnika **dopuštaju uz standardne mjere zaštite** slijedeće aktivnosti:

- Izgradnja kanalizacije i drugih infrastrukturnih instalacija koje omogućuju redovno funkcionisanje objekata vodozahvatnog područja
- Prirodni uzgoj trave bez upotrebe đubriva i drugih agrotehničkih sredstava

(5) U granicama I zaštitne zone se u skladu sa članom 10 stav 3 Pravilnika **dopuštaju uz standardne i dodatne mjere zaštite** slijedeće aktivnosti:

- Kontrolisana sječa i krčenje šume

10. Zaštitne mjere za područje obuhvaćeno drugom zaštitnom zonom

Član 10.

(Zaštita, zabrane i obilježavanje)

(1) U granicama II zaštitne zone se **zabranjuju** slijedeće aktivnosti:

- Izgradnja novih urbanih naselja
- Izvođenje ili obavljanje bilo kakvih aktivnosti koje izazivaju i/ili pospješuju eroziju tla
- Iskopi u vodonosnom sloju
- Vađenje materijala iz vodotoka
- Izgradnja i rad kamenoloma i drugih pozajmišta materijala
- Minerski i drugi građevinski radovi koji nisu u funkciji vodosnadbjevanja, a koji mogu poremetiti kompoziciju vodonosnih slojeva
- Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu
 - izgradnja i rad transformatorske stanice
 - izgradnja i rad manevarskih i vojnih poligona
 - Izgradnja novih, korištenje ili proširenje postojećih groblja
 - Ispuštanje nepročišćenih urbanih otpadnih voda
 - Izgradnja i rad postrojenja za tretman urbanih otpadnih voda
 - Odlaganje bilo kakvog čvrstog, građevinskog, komunalnog i drugog otpada
 - Izgradnja i rad sanitarnih deponija
 - Izgradnja i rad postrojenja za tretman mulja u sastavu postrojenja za tretman otpadnih voda
 - Izgradnja i rad postrojenja za tretman životinjskog otpada
 - Podzemna eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine
 - Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine
 - Izvođenje istražnih i eksploatacionih bušotina za naftu i zemni gas
 - Izvođenje istražnih radova i eksploatacija radioaktivnih tvari
 - Pogoni metalne industrije
 - Rafinerije
 - Pogoni hemijske industrije
 - Pogoni gumarske industrije
 - Pogoni industrije papira i celuloze
 - Pogoni kožarske industrije
 - Pogoni prehrambene industrije
 - Gasne elektrane
 - Termo elektrane
 - Nuklearne elektrane

- Skladištenje industrijskih sirovina i hemikalija opasnih za vodu
 - Skladištenje i deponovanje radioaktivnih tvari i otpada
 - Skladištenje i deponovanje šljake i pepela
 - Deponije industrijskog otpada opasnog za kvalitete vode na izvorištu
 - Deponije industrijskog otpada bezopasnog za kvalitet vode na izvorištu
 - Izgradnja i rad industrijskih kanalizacionih sistema
 - Izgradnja i rad postrojenja za tretman industrijskih otpadnih voda
 - Ispuštanje ili akumuliranje neprečišćenih industrijskih otpadnih i rashladnih voda
 - Izgradnja autocesta i cesta rezervisanih za motorni saobraćaj
 - izgradnja depoa za teška vozila
 - Izgradnja i rad autobusnih stanica i terminala
 - Izgradnja željezničkih pruga, ranžiranih stanica i terminala
 - Izgradnja i rad aerodroma ili poletno-sletnih staza za korištenje u zračnom saobraćaju
 - Izgradnja i rad cjevovoda za transport tekućina opasnih za kvalitet vode
 - Cestovni transport hemikalija, tečnih goriva i drugih opasnih materija
 - Nadzemni ili podzemni spremnici
 - Pretakališta
 - Benzinske stanice uz prometnicu
 - Intenzivna stočarska i peradarska proizvodnja
 - Deponovanje čvrstog ili tečnog stajnjaka za pojedinačna domaćinstva
 - Intezivna ispaša stoke
 - Skladištenje đubriva i pesticida
 - Poljoprivredna proizvodnja praćena intezivnim korištenjem vještačkih đubriva, stajnjaka, pesticida, herbicida i insekticida
 - Navodnjavanje prečišćenim otpadnim vodama
 - Nekontrolisana sječa i krčenje šume
 - Izgradnja i rad igrališta za golf
 - Korištenje lovnih sredstava sa motorima sa unutrašnjim sagorjevanjem
- (2) U granicama II zaštitne zone se dopuštaju uz standardne mjere zaštite slijedeće aktivnosti:
- Izgradnja kanalizacije i drugih infrastrukturnih instalacija koje omogućuju redovno funkcionisanje objekata vodozahvatnog područja
 - Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida
 - Prirodni uzgoj trave bez upotrebe đubriva i drugih agrotehničkih sredstava
 - Kontrolisana sječa i krčenje šume
 - Turističke aktivnosti (splavarenje, rafting...)
 - Rekreacioni i sportski ribolov
- (3) U granicama II zaštitne zone se dopuštaju uz standardne i dodatne mjere zaštite slijedeće aktivnosti:
- Proširenje postojećih urbanih naselja
 - Individualna stambena izgradnja uz korištenje samnostalnih sistema za tretman otpadnih voda (npr. septičke jame)
 - Održavanje postojećih građevinskih objekata bez promjene namjene
 - Izgradnja urbanih prometnica i pripadajućih objekata (parkirališta, mostova, tunela....)
 - Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava
 - Stočarska i peradarska proizvodnja za vlastite potrebe pojedinačnih domaćinstava
 - Napajanje stoke iz površinskih vodotoka
 - Izgradnja i rad sportsko-rekreacionih i banjsko-lječilišnih objekata
 - Kampovanje ili drugi vid organizovanog okupljanja u prirodi
 - Izgradnja i rad otvorenih sportskih terena
 - Izgradnja i rad skijališta
- (4) Na području druge zaštitne zone se zadržavaju svi postojeći stambeni i drugi objekti i dozvoljava njihova rekonstrukcija u slučaju dotrajalosti ili oštećenja. Svi objekti unutar druge zaštitne

zone moraju na odgovarajući imati riješeno prikupljanje i odvodnju otpadnih voda izgradnjom kanalizacije koja će se odvesti u glavni kanalizacioni kolektor, odnosno provođenje standardnih mjera zaštite .

11. Zaštitne mjere za područje obuhvaćeno trećom zaštitnom zonom

Član 11.

(Zaštita, zabrane i obilježavanje)

- (1) U granicama III zaštitne zone se **zabranjuju** slijedeće aktivnosti:
- Iskopi u vodonosnom sloju
 - Izgradnja i rad kamenoloma i drugih pozajmišta materijala
 - Minerski i drugi građevinski radovi koji nisu u funkciji vodosnadbjevanja, a koji mogu poremetiti kompoziciju vodonosnih slojeva
 - Manevarski vojni poligoni
 - Ispuštanje nepročišćenih urbanih otpadnih voda
 - Odlaganje bilo kakvog čvrstog, građevinskog, komunalnog i drugog otpada
 - Izgradnja i rad sanitarnih deponija
 - Izvođenje istražnih i eksploatacionih bušotina za naftu i zemni gas
 - Izvođenje istražnih radova i eksploatacija radioaktivnih tvari
 - Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu
 - Rafinerije
 - Pogoni hemijske industrije
 - Nuklearne elektrane
 - Skladištenje industrijskih sirovina i hemikalija opasnih za vodu
 - Skladištenje i deponovanje radioaktivnih tvari i otpada
 - Deponije industrijskog otpada opasnog za kvalitete vode na izvorištu
 - Ispuštanje ili akumuliranje neprečišćenih industrijskih otpadnih i rashladnih voda
 - izgradnja depoa za teška vozila
 - Izgradnja i rad aerodroma ili poletno-sletnih staza za korištenje u zračnom saobraćaju
 - Izgradnja i rad cjevovoda za transport tekućina opasnih za kvalitet vode
 - Nadzemni ili podzemni spremnici
 - Pretakališta
 - Skladištenje đubriva i pesticida
 - Poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i insekticida
 - Navodnjavanje prečišćenim otpadnim vodama
 - Nekomolirana sječa i krčenje šume
- (2) U granicama III zaštitne zone se **dopuštaju uz standardne i dodatne mjere zaštite** slijedeće aktivnosti:
- Izgradnja novih urbanih naselja
 - Proširenje postojećih urbanih naselja
 - Individualna stambena izgradnja uz korištenje samostalnih sistema za tretman otpadnih voda (npr. septičke jame)
 - Izvođenje ili obavljanje bilo kakvih aktivnosti koje izazivaju i/ili pospešuju eroziju tla
 - Vađenje materijala iz vodotoka
 - Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu
 - Transformatorske stanice
 - Izgradnja novih, korištenje ili proširenje postojećih groblja
 - Izgradnja i rad postrojenja za tretman urbanih otpadnih voda
 - Izgradnja i rad postrojenja za tretman mulja u sastavu postrojenja za tretman otpadnih voda
 - Izgradnja i rad postrojenja za tretman životinjskog otpada

- Podzemna eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine
- Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine
- Pogoni metalne industrije
- Pogoni gumarske industrije
- Pogoni industrije papira i celuloze
- Pogoni kožarske industrije
- Pogoni prehrambene industrije
- Gasne elektrane
- Termo elektrane
- Skladištenje i deponovanje šljake i pepela
- Izgradnja i rad industrijskih kanalizacionih sistema
- Izgradnja i rad postrojenja za tretman industrijskih otpadnih voda
- Izgradnja autocesta i cesta rezervisanih za motorni saobraćaj
- Izgradnja urbanih prometnica i pripadajućih objekata (parkirišta, mostova, tunela...)
- Izgradnja i rad autobusnih stanica i terminala
- Izgradnja željezničkih pruga, ranžiranih stanica i terminala
- Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava
- Cestovni transport hemikalija, tečnih goriva i drugih opasnih materija
- Benzinske stanice uz prometnicu
- Intenzivna stočarska i peradarska proizvodnja
- Deponovanje čvrstog ili tečnog stajnjaka za pojedinačna domaćinstva
- Intenzivna ispaša stoke
- Stočarska i peradarska proizvodnja za vlastite potrebe pojedinačnih domaćinstava
- Napajanje stoke iz površinskih vodotoka
- Izgradnja i rad sportsko-rekreacionih i banjsko-lječilišnih objekata
- Kampovanje ili drugi vid organizovanog okupljanja u prirodi
- Izgradnja i rad otvorenih sportskih terena
- Izgradnja i rad skijališta
- Korištenje lovnih sredstava sa motorima sa unutrašnjim sagorjevanjem

(3) U granicama III zaštitne zone se **dopuštaju uz standardne mjere zaštite** slijedeće aktivnosti:

- Održavanje postojećih građevinskih objekata bez promjene namjene
- Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida
- Prirodni uzgoj trave bez upotrebe đubriva i drugih agrotehničkih sredstava
- Kontrolisana sječa i krčenje šume
- Turističke aktivnosti (splavarenje, rafting...)
- Rekreacioni i sportski ribolov

(4) Na području treće zaštitne zone zadržavaju se svi postojeći stambeni i drugi objekti i dozvoljava njihova rekonstrukcija u slučaju dotrajalosti ili oštećenja. Svi objekti unutar treće zaštitne zone moraju na odgovarajući imati riješeno prikupljanje i odvodnju otpadnih voda izgradnjom kanalizacije koja će se odvesti u glavni kanalizacioni kolektor.

Član 12.

(Obilježavanje)

(1) Operator vodovodnog sistema dužan je takođe obilježiti II i III zaštitnu zonu na odgovarajući način sa isticanjem natpisa naziva izvorišta i zaštitne zones prikazom karte vodozaštićenog područja.

Član 13.

(Posebne mjere)

(1) Uspostavljanje monitoringa kvaliteta voda,

(2) Za izvorišta Tuk 1 i Tuk3 izvršiti adekvatno konticioniranje vode u cilju smanjenja sadržaja amonijaka, željeza (deferizacija) i sadržaja mangana (demanganizacija),

(3) Izvršiti rekonstrukciju kaptažnih objekata, zamjenu opreme i uređaja za crpljenje izvorske vode za bunare: Tuk 1, Tuk 3 i Stadion.

V. IZVORI I NAČIN FINASIRANJA

Član 14.

(Finansiranje provođenja mjera zaštite)

Finansiranje provođenja mjera zaštite u prvoj zaštitnoj zoni izvorišta "Tukovi-Sibovača-Stadion" vršiti će Operator vodovodnog Sistema uz podršku općine Čelić, Tuzlanskog kantona, FBiH, Fond za zaštitu okoliša i drugih izvora finansiranja.

VI. NADZOR NAD PROVOĐENJEM ODLUKE

Član 15.

(Nadzor)

(1) Nadzor nad provođenjem ove Odluke vrši nadležne službe općine Čelić i nadležno ministarstvo Tuzlanskog kantona.

(2) Inspekcijski nadzor vrše općinski komunalni inspektor, kantonalni vodni inspektor I federalni vodni inspektor.

VII - KAZNE NE ODREDBE

Član 16.

Novčanom kaznom od 5.000 do 10.000 KM kazniće se za prekršaj pravno lice:

- ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 7., 8., 9., 10., 11. i 12. ove odluke;
- ako ne postupi u skladu sa čl. 8., 9. i 13. ove odluke;
- ako ne izvrši ili neblagovremeno izvrši radnje iz čl. 19. ove odluke.

Za prekršaj iz stava 1. ovoga člana kaznit će se i odgovorno lice u pravnom licu novčanom kaznom u iznosu od 1.000 do 5.000 KM.

Član 17.

Novčanom kaznom od 1.000 do 6.000 KM kazniće se za prekršaj osoba koja obavlja samostalnu poslovnu djelatnost-obrt ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 7., 8., 9., 10., 11. i 12. ove odluke.

Član 18.

Novčanom kaznom od 500 do 3.000 KM kazniće se za prekršaj fizičko lice ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 7., 8., 9., 10., 11. i 12. ove odluke.

VIII. ZAVRŠNE ODREDBE

Član 19.

(Rokovi)

(1) Operator vodovodnog sistema dužan je odmah po usvajanju ove Odluke izvršiti radnje iz člana 13. Stava 1) i stava 2) ove Odluke.

(2) Na području prve zaštitne zone izvorišta "Tukovi-Sibovača-Stadion" izvršit će se uređenje prostora i provođenje zaštitnih mjera u skladu sa ovom Odlukom i Elaboratom zaštite u roku od šest mjeseci od dana stupanja na snagu ove Odluke.

(3) Operator vodovodnog sistema je dužan izvršiti radnje iz članova 7-12. ove Odluke za koje je ovom Odlukom zadužena u roku od 365 dana od dana stupanja na snagu ove Odluke.

Član 20.

(Obaveza pridržavanja odredbi)

(1) Operator vodovodnog sistema i druga pravna, fizička lica dužni su pridržavati se odredaba ove Odluke i primjenjivati ovom Odlukom propisane mjere za zaštitu izvorišta "Tukovi-Sibovača-Stadion".

(2) Operator vodovodnog sistema je Javno Kmunalno Preduzeće "Čistoća" doo Čelić čiji je vlasnik I osnivač Općina Čelić

Član 21.

(Stupanje na snagu)

(1) Ova Odluka stupa na snagu osmog dana od dana objavljivanja u "Službenom glasniku općine Čelić".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE

PREDSJEDAVAJUĆI

Mujo Jusić



Broj: 01-49-580/16
Čelić 19.09.2018. godine

Dostavljeno:

1. Općinski načelnik,
2. Predsjedavajući OV,
3. Službe za upravu,
4. Ministarstvo za poljoprivredu, šumarstvo i vodoprivredu TK,
5. Agencija za vodno područje rijeke Save,
6. JKP "Čistoća" d.o.o. Čelić
7. Uz "Službeni glasnik",
8. Arhiva